



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Christiana Et Docta Divi Alchimi Aviti Viennensis
Archiepiscopi, & Claudij Marij Victoris Oratoris
Massilie[n]sis, poëmata, aliaq[ue] non poenitenda**

**Avitus, Alcimus Ecdicius
Marius Victor, Claudius**

Lvgdvni, 1536

Capvt VII.

urn:nbn:de:hbz:466:1-12149

Noffet, & exceptum vitæ feruare pararet,
 Stemmatis hic sacri nam claro nobilis ibat
 A proauo, quem prisca fides & conscia virtus
 In cœlum sine morte tulit: sic celsa petenti
 Successit magnis non impar filius actis.
 Nec minimum est illum salui cum corporis vsu,
 Terrenas liquisse domos, intrasse supernas.
 Quãquã quo Noe proauus conscenderat Enoch
 Elias cursu post tempora longa secutus
 Scribitur ignitis scandens penetrasse quadrigis,
 Quum suspensa leues trãsmitteret orbita ventos,
 Vngula vel premeret cassato pondere nubes,
 Vallatumq; ferens sanctum non vreret ignis:
 Et motus seruans nesciret flamma calorem.
 Nos igitur satis est cœlum potuisse mereri
 Membrorum sub lege sitos: sed non tamen illud
 Segnius admirer, sancti quòd tempore Noe
 Vnius ob meritum natis nuribusq; tuendis
 Orbis in exitio adlatam nouere salutem.

CAPVT VII.

EST ille in cœlis numeros qui præterit omnes
 Angelicus sine fine chorus, qui laude perēni
 Conclamat celebratq; Deum, famulãtia suetus
 Ferre

Ferre ministeria, & iussis parere supernis.
 Hi nunc quod rectum mortalia corda precantur,
 Concipitur dignis sacro quod pectore votis,
 Quicquid larga manus collectis spargit egenis
 Excipiunt, sanctoq; ferunt super astra volatu.
 Quinetiam iustos fragilis dum vita fatigat
 Tutantur, mundiq; inter discrimina seruant.
 Sed tamen in cunctis præcellit clarior ille
 Maxima quæq; Dei quo dispensante ministro
 Res geritur, rebus mysteria qui parat altis.
 Hic dominum cœli venturum corpore sumpto
 Virginis intactâ iussus prædixit in aluum;
 Sacraq; dotali compleuit viscera verbo
 Hic & baptistę præcurrens nuncius ortum
 Desperata diu dum ferret germina patri,
 Inter sacra virum conterruit: & dubitantes
 Protinus insolito restrinxit more loquelas:
 Donec prædicto fœcundam redderet ortu
 Prolis anum: multos sterilis quę deniq; in annos
 Fudit diffidens effœta puerpera fœtum.
 Hic rerum solers summusq; archangelus ille
 Aëra per liquidum leuibus circumdatus oris,
 Vibrataq; mouens ignito in corpore pennas,
 f Nulli

*Gabriel.**Lucæ. i.**Lucæ. i.**Zacharias
mutus.*

Nulli conspectis ad terram motibus ibat.

CAPVT

VIII.

ET tum forte gemens cunctorū crimina Noë
 Inflexis stratus genibus cū supplice planctu
 Mundanis veniam mundo nolente petebat,
 Quum subito clausis foribus tamen aliger intrat
 Conspicuus claro resplendens nuncius ore.
 Horrescit visu tanto perterritus heros:
 Mortalisq; oculus fulgorem ferre supernum
 Vix valet; & pauidi detorquent lumina vultus.
 Ille salutiferis primum mulcere timentem
 Aggreditur verbis, cœliq; exponere iussus.
 Hæc per me summus pelagi terræq; creator
 Imperat vt primum concessa pace quietus
 Excipias; nostrisq; fidem des optime verbis.
 Insperata quidem cunctis sententia læti
 Imminet; hanc solus sed enim tu euadere cladem
 Et præscire potes; nam te calcata voluptas
 Iam pridem rectum toto discreuit ab orbe.
 Vnica sed quoniam sæuo te excludere læto
 Forma modusq; potest; tantos euadere casus
 Qualiter incipias, paucis ex ordine fabor.

Gen 6. Finis erit rerum permissis vndiq; lymphis;

Atq;